

OWI CORONA-AAKOZIWI-MANIJOOSHENS AAKOZIWIN (COVID-19)

WEGNESH YAAWANG

COVID-19 aawan aakoziwin abi njibaamigag owi corona-aakoziwi-manijooshens.

Bemaadizijig corona-aakoziwi-manijooshensan maamowi aawan miinwaa gagweji nowendaagodon bangii aakoziwinan, dibishko gonaa agigokaawin.

SWESHAAG

Corona-aakoziwi-manijooshens gagwech agwa swesenon onji owa yaakozid bemaadizid maanda nikiiyaa:

- ▶ Meshkodaanamang bangigag apii ososdamang maage jaachaamang.
- ▶ Beshaa yaang, dibishko gonaa daangnidiwin maage zaginijiiniwin.
- ▶ Daanginigaadeg gego zhiwe temgag aakoziwi-manijooshens, amii dash miinwaa daanginigaadeg shkiizhigwan, jaansh maage adoon jibwaa gaziibigininjiing.

Ninda aakoziwi-manijooshensan gaawii nenjigaadesnon awii sweshaag nodin zhiibaabideg maage nibiishing.

GIISHPIN YAAMAN INAMJIWINAN

Giishpin yaaman inamjiwinan owi COVID-19 — gizhizowin, ososdamawin, maage znagizing awii neseng:

- ▶ Bekaa yaan endaawin wiibwaa sweniman owi gwaya bkaan bemaadizijig.
 - Giishpin yaa-aabi aanin bemaadizijig wiiijgendwadwaa, bekaa yaan bkaan aajikinigan maage yaan minik 2 nisiwe bimase dibagan.
- ▶ Giizhaa giigidan jibwaa waabmad mina yaawin negijitod maage giigidan gdo Mina Bimaadiziwin Nyaagdowendamajig.
 - Windamo enamanjiwiwin miinwaa naagadon e'wiindamaagowin awii zhichigewin.
- ▶ Giishpin wewiib mineziyin naandowechigewin, giigidan 911 miinwaa wiindamo enamanjiwiwin.

INAMJIWINAN

Inamjiwinan gnimaa adaa dibasaanon maage woshme adaa niizaandoon.

Inamjiwinan gnimaa apiinsh 14 giizhigadon adaa njitaamigad awii mogsemigag shkwaa iniwe idisowin owi aakoziwi-manijooshens.



GIZHIZANG



OSOSDAMANG



ZNAGIZING AWII NESENG

NANAGINIWE

Memaanji nishing niikii-aa awii nigaasijigaadeg sweshaag newen miniiwisewinan aawinon:



- ▶ Gaziibigininjiin mino-aapii nikaaziwin gaziibiginigan miinwaa nibiish gnigen agwa 20 dibagaans.



- ▶ Gego daanginange gshkiizhigon, gajaansh maage gdoon memdage gwa jibwaa gaziibigininjiin.



- ▶ Gegwa besha yaake gewe bemaadizijig yaakozijig.

- ▶ Osasidaman miinwaa jaachaamiyin:



- Gba-an gdoon miinwaa gajaansh nikaaziwin gnik maage moshwenigaans awii naazhinaman sweshaa-aad maji-manijooshensag.



- Wewiib ngoji pagish mooshwenigaansag agaa nikaaziwin zhiwe webinigan taasowining wewiib ezhi gshkitowin miinwaa gaziibigininjiin giizhiitaawin.



- ▶ Biinton miinwaa waabshkiigigan e'aabaji daanginigaadeg nikaaziwin miinwaa desaagin, dibishko gonaa daminonan, waasamo nikaaziwin miinwaa ishkwandem zaginiganan.



- ▶ Bekaa yaan endaawin giishpin aakoziwin awii bwaa sweniman aakoziwin gwaya bkaan bemaadizijig.

WOSHME GIKENDAMOWIN OWI CORONA-AAKOZIWI-MANIJOOSHENS:

☎ 1-833-784-4397

@ canada.ca/coronavirus

